

- Sier Simon Orio, fo quaranta, *quondam* sier Hironimo.
- Sier Hironimo Moro, el 40, *quondam* sier Leonardo.
- Sier Vicenzo Malipiero, fo castelan a Otranto, *quondam* sier Andrea.
- Sier Francesco Baxejo, el grando, *quondam* sier Piero.
- Sier Ambruoxo Trun, fo signor di note, *quondam* sier Andrea.
- Sier Andrea Balbi, fo podestà a Sonzim, *quondam* sier Stai.
- Sier Hironimo di Prioli, fo 40 zivil, *quondam* sier Ruberto.
- Sier Iacomo Antonio Orio, *quondam* sier Zuane, fo camerlengo a Cataro.
- Sier Stefano Viaro, el 40, *quondam* sier Zuanne.
- Sier Marco di Prioli, fo castelan dil castel vecho di Verona, *quondam* sier Marin.
- Sier Nicolò Balbi, fo provedador a Brisigele, *quondam* sier Marco.
- Sier Bernardo da Leze, *quondam* sier Iacomo, fo patron di galia.
- Sier Matio Beneto, fo 40, *quondam* sier Francesco.
- Sier Lorenzo Gradenigo, el 40 zivil, di sier Marin.
- Sier Trojam Bon, el 40, *quondam* sier Otavian.
- Sier Marco Querini, fo cao di 40, *quondam* sier Iacomo.
- Sier Alvisè Soranzo, fo pagador a l'armamento, *quondam* sier Remixi.
- Sier Alvisè Baffo, el cao di 40, *quondam* sier Maphio.
- Sier Lorenzo da Canal, el 40, *quondam* sier Nicolò.
- Sier Andrea da Mosto, *quondam* sier Piero, fo capetanio im Po.
- Sier Iacomo Foscari, el 40, *quondam* sier Urban, *quondam* sier Filippo, procurator.
- Sier Piero Zustignam, di sier Francesco, *quondam* sier Zuane.
- Sier Alexandrò Contarini, *quondam* sier Imperial.
- † Sier Marco Antonio Erizo, el cao di 40, *quondam* sier Antonio.

*A dì XI.* Da matina fo divulgato esser aviso in la Signoria, il re di romani aver fato tajar la testa a tre soi capetanij et consieri, *videlicet* uno capitano di Tyruol, uno era castelan in Cremons, et uno capitano di le terre franche. *Item*, aver retenuto uno fio dil conte palatino; e altri avisi di esso re, come dirò di soto.

Da poi disnar fo consejo di X. Et per non pretermeter alcuni sumarij di letere lete eri im pregadi, *videlicet* di Milan, di Nicolò Stella, secretario; di 3 cantoni di sguizari, qualli dubitano non fazino novità a li confini di Belinzona, contra il stato di Milam.

*Item, di sier Zorzi Emo, provedador, date Alla, sollo, copioso.* Zercha le cosse di Agresta; et quanto è stà fato et operato *etc.*

*Et ozi vene di diti provedadori, tutti do, date a Alla, a dì 9 da sera.* Et advisano consultation fate con li capitani; e voleno tuor impresa, ma bisogna star 3 di a meter ordine, *videlicet* andar a la Piera; et che i nimici erano cresuti da 7000 fanti in suso.

*A dì 12. Fo letere dil provedador Corner, 223 di 9, date soto Trieste.* Avisa, come mandava le zente a li alozamenti verso Goricia e lochi vicini, et lui andava, e il governador, perchè in Lubiana intendeva esser cresuto bon numero di zente soto il duca di Brexvich.

Da poi disnar la Signoria deteno audientia, et perchè veneno X oratori di Trieste, con letere di sier Marco Loredan, governador, la nome di qual sarano qui soto posti. Et fonno a la Signoria, li qual commesse a li savij dil collegio; li qual li alditeno ozi in audientia secreta. Li qualli dimandano gran cosse, et, *ut dicitur*, esser al tempo che erano sotto misier Arigo Dandolo, doxe; et che non poleno pagar li ducati XV milia. Questi fono licentati e ritornono a caxa.

#### *Oratori triestini.*

Francesco Paduin, giudice,  
Zuam Belli,  
Mesalto di Mesalti,  
Petro Paulo de Argento,  
Nicolò de Argento.  
Justo de Julianis,  
Francesco Stella,  
Bartholameo Lambardo,  
Tadeo de Franculo,  
Hironimo Peregrino,  
Piero Zuane di Venetia.

*A dì 13.* Da poi disnar fo pregadi. Et leto le infrascripte letere:

*Di sier Zorzi Corner, el cavalier, provedador zeneral, soto Trieste.* Avisa haver mandà Lantio di Bergamo, con 1000 provisionati, verso Pisim. *Item*, il mandar a lozar le zente d'arme in Friul, et lui *etiam* vi va.